

վաստակ գործ դնեն բարոյապէս և նիւթապէս ազգային եկեղեցին ամուր հիմանց վրայ պահպանելու համար, որոց վրայ և դրուած է ի սկզբանէ Բրիստոսի ճարտարապետութեամբն :

Աղերսներ և կը հայցենք հանապազօրեայ ջեր մ աղօթքով, որ Աստուած առատացուցանէ հայութեան համար հայասէր և մարդասէր զաւակաց թիւը, որոնք ազգային գեղեցիկ եռանդով վառուած՝ հոգևով և սրտով պաշտպան հանդիսանան մեր եկեղեցւոյ պատուոյն և փառացն, ինչպէս և միշտ յամենայն դարս և տարիս պաշտպանել են՝ չինայելով իրենց տաղանդն ու աշխատանքն :

Կը բարեմաղթեմք առ ամենակարողն Աստուած, որ իւր իմաստութեան առատ յոյսը պարգեւէ ձեզ ամենեցուն, խորհել, խօսել և գործել խորական իմաստութեամբ և հեռատես զգուշութեամբ յօգուտ սիրելի ազգիս մերոյ և պաշտեցեալ եկեղեցւոյս, հեռու պահելով միանգամայն յազգակործան անմիաբանութենէ և յերկպառակութենէ :

Քանի այլ եւս ազգային կարեւոր խորհրդոց վրայ՝ երբ յաջողութեամբ Տեառն կարենանք գալ Բագու քաղաքդ յայցելութիւն ազգի եկեղեցւոյ պատուաբեր զաւակացդ, կ'խօսենք բանիւ և կը հողանք խորհրդակցութեամբ միմեանց :

Ողջ լերուք Տէրամբ և միշտ օրհնեալք

Մնամ խոնարհ աղօթաբար վասն ձեր ամենեցուն

Առաջնորդ Հայոց թեմին Համախոյ

ՄԵՍՐՈՎԲ ԵՊԻՍԿՈՊՈՍ ՍՄԲԱՏԵԱՆՑ

Հ.Մ. 1

1888 յունվար 3. Ի քաղաքն Համախի

Քարոզչի խնդրի մասին գրածս երկար գրութեան բաւարար պատասխան տալը յանձնուեց պ. Գրիգոր Թումայեանցին, որ խոստացել էր տարեկան 600 ըուբլի քարոզչին վարձ, երբ իւր ուղած մարդը լինի քարոզիչը, որը դեռ որոնում ենք եւ և նա գտնելու :

Բագուեցւոց չէ յաջողում լաւ քարոզիչ ունենալ՝ ըստ նոյա ասութեան .